



Faenansal sapot blong Saeklon Gabrielle

Bae mifala i save provaedem sam sapot mo help sapos Saeklon Gabrielle i bin afektem yu. I gat plante wei mifala i save givim han, mo mifala i save soem stret samting blong mekem folem situesen blong yu.

Sivil Difens Peimen

Sivil Difens Peimen hem i mane Gavman i givim blong helpem yu sapos saeklon i afektem yu long wan long ol ples ia

- Tairāwhiti
- East Coast region
- Hawke's Bay region
- Manawatu region
- Wairarapa region
- Horowhenua region
- Northland region
- Auckland region
- Waikato District Council
- Thames/Coromandel District Council
- Hauraki District Council
- Matamata/Piako District Council

Yu no nid blong stap long benefit blong yu gat raet (kwalifae) blong kasem Sivil Difens Peimen, mo ol non-residen ol i save aplae. Long plante kes, wanem inkam o wanem aset yu gat i no wan problem.

Mifala i save helpem yu wetem

- imejensi kakae, klos mo kaliko blong bed sapos hemia blong yu i kasem damej o ol i nogud olgeta
- lusum inkam from yu no save wok from Saeklon Gabrielle
- mane yu spenem from yu mas lego haos blong yu
- wan peimen sapos yu gat sam pipol we haos blong olgeta i damej ol i kam stap wetem yu long ol ples olsem praevet hom, marae o komiuniti senta.

Yu mas stap long wan long ol situesen ia from imejensi

- yu mas lego haos blong yu (eksampol, ol i bin sanem yu aot long haos blong yu [ivakiuwetem] o yu stap long stan-bae)
- yu no bin stap long haos long taem blong imejensi mo yu nomo save kam bak
- yu nidim help wetem kakae, kaliko blong bed o klos blong werem
- yu no save go long wok.

Mo tu

- insurens i no save pem ol kos blong yu (o ol i no pem yu yet)
- yu no save kasem eni narakaen help, eksampol mane blong pablik (donesen) mo mane Gavman i gat blong imejensi (rilif fand)

Sapos yu no save gud se insurens bae i pem ol kos blong yu, maet yu save kasem Sivil Difens Peimen yet. Be, sapos yu kasem wan Sivil Difens Peimen, afta insurens blong yu i pem ol kos we hemi kavarem, bae yu mas pem mane bak long mifala.

Faenemaot wanem bae yu nidim blong talem long mifala **long neks peij**

Taem yu aplae bae yu nid blong talem long mifala

- ful nem blong yu
- deit we yu bon long hem
- kontak namba
- adres blong haos we yu stap long hem bifo long disasta
- adres blong yu naoia (sapos yu bin lego haos blong yu).

Sapos yu stap aplae from yu bin lusum inkam from wan imejensi, bae yu nid blong talem mifala

- IRD namba blong yu
- bangk akaon namba
- ditel blong eni inkam we yu bin lusum kasem naoia
- bos
 - nem blong bos
 - adres blong bos
 - nem mo adres blong kontak man/woman.

Blong aplae from Sivil Difens Peimen yu ringim Work and Income long **0800 400 100**.

Nara sapat

I gat plante wei we 'Work and Income' i save help wetem kos blong ol samting we i ezen mo yu nidim naoia sapos yu stap long benefit o low inkam.

Work and Income i provaedem ol nara help tu olsem faenem wok mo givhan blong pem ol kos blong haos.

Situesen blong evriwan i difren, hemia nao wanem we yu gat raet long hem, mo sapos yu nidim blong pem bak mane, i dipen long situesen blong yu.



Blong kasem moa infomesen long saed blong ol kos we i ezen mo we yumi no ekspektem, yu go long [workandincome.govt.nz](https://www.workandincome.govt.nz)

Blong kasem moa infomesen long saed blong famli mo komiuniti sevis, yu go long [familyservices.govt.nz](https://www.familyservices.govt.nz)

